



Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato:

23. marts 2012

J.nr.:

01.31.06/12-00572

Aningaasaqarnermut Naalakkersuisoq

Aningaasaqarnermut Akileraartarnermullu Ataatsimiititaliap sisamangornermi martsip 22-ani 2012-imi aalajangiinera pillugu Naalakkersuisunut ilisimatitsissut – Suliaq nr. 01.31.06/12-00572

Namminersorlutik Oqartussat iniutaanik oqummik saliineq

Naalakkersuisut inassuteqaatigaat,

Konto pingaarnermut aningaasaliissutit 89.72.12 Inissialiassat taartissanillu inissialiortiterneq, suliaasaq nutaaq nr. 996.31.028 Oqummik saliinermut aningaasaliissutit kr. 16,0 millioninut qaffatsinneqarnissaat.

DAU-mi aningaasat kr. 16,0 millioninik amingartooruteqartillugit Nunatta Karsianit tigungassasut.

Aningaasaqarnermut Ataatsimiititaliap oqaaseqaatai

Aningaasaqarnermut Ataatsimiititaliaq martsip 22-ani 2012-imi Ineqarnermut, Attaveqarnermullu Naalakkersuisumik apersuivoq. Naalakkersuisup oqaasissanut allattuiffia aalajangiinermut matumunnga ilanngussatut ilaatinneqarpoq.

Namminersorlutik Oqartussat iniutaanik oqulinnik tamanik salinissamut aningaasaliissutissatut qinnuteqaatigineqartut naammannaviannngitsut ataatsimiititaliap ilisimaaraa, ataatsimiititalialli aamma isumaqatigilluinnarpaa, maannangaaq iluarsaassinissamik suliap tamatuma aallartinneqarnissaa pisariaqarluinnartoq. Ajornartorsiut tamanna pillugu misissuinerit nalunaarusiallu aqutugalugit ajornartorsiutip qanoq atugaatigenerata erseqqinnerusumik paasisaqarfiginissaa aammalu tamanna iliuuseqarfiginiarlugu aningaasartuutissat qanoq isikkoqarsinnaaneri pillugit tusagaqarnissani ataatsimiititaliap qilanaaraa.

Tamanna tunngavigalugu Aningaasaqarnermut Ataatsimiititaliap ilutigitillugu **innersuussutigissavaa**, tamatuma sulissutiginissaanut ukioq 2013-imut Aningaasanut Inatsisissatut Siunnersuummut ukiunullu tulliuuttunut aningaasanik immikkoortitsisoqartassasoq.

Aningaasaqarnermut Ataatsimiititaliap aalajangiinera

Qulaani oqaatigineqartunut paasinninni naapertorlugu Naalakkersuisut inassuteqaataat Aningaasaqarnermut Ataatsimiititaliap akueraa.

Ataatsimiititaliap sinnerlugu

Andreas Uldum
Siulittaasoq